

Oqaatsinik Pikkorissarfik pillugu Inatsisartut inatsisaat

Kapitali 1.

Oqaatsinik Pikkorissarfip siunertaa.

§ 1. Oqaatsinik Pikkorissarfip siunertaraa innuttaasut oqaatsinik ilinniartinneqarnerat nam-minersortut pisortallu pisariaqartitaannut assigiirmitsunut naapertuuttumik aammalu inuutis-sarsiornikkut, suliffeqarnikkut ilinniartitaanikkullu ingerlatsinikkut qaqugukkulluunniit anguni-agasut najoqqutaralugit nukittorsassallugu.

Imm. 2. Oqaatsinik Pikkorissarfip siunertaa anguniarneqassaaq, pingaartumik

- 1) pikkorissarfimmi oqaatsinik pikkorissarnernik ilinniartitsinernillu aaqqissuussisarnertigut ingerlatsisarnertigullu,
- 2) Kalaallit Nunaanni avataanilu ilinniarfinni, oqaatsinik ilinniarfinni assigisaannilu oqaatsinik pikkorissarnernut oqaatsinillu ilinniartitsinernut aqqutissiuussillunilu aaqqissuussisarnikkut, aamma
- 3) ilisimasanik eqiteriffittut inunnut ataasiakkaanut suliffeqarfinnullu pikkorissarfimmi allanilu oqaatsinik pikkorissartitsisarnissamut periarfissat oqaatsinillu ilinniartitsinissamut ne-qeroorutit pillugit siunnersuisinnaasutut atuunnikkut.

Kapitali 2.

Oqaatsinik Pikkorissarfip aqunneqarnera.

§ 2. Naalakkersuisut Oqaatsinik Pikkorissarfimmi allaffisornermut aningasaqarnermilu aqutsinermut akisussaapput. Naalakkersuisut pikkorissarfip pisortassaanik atorfmitsitsissapput, Naalakkersuisut sinnerlugit akisussaaffimmik isumaginnittussamik.

Imm. 2. Oqaatsinik Pikkorissarfip siulersuisusa Oqaatsinik Pikkorissarfip anguniagai tunaartarisassaalu aalajangersassavaat, suliniutissatut pilersaarutit akuersissutigineqartarnerat ilanngullugu, taakkulu akisussaaffigalugit. Oqaatsinik Pikkorissarfip siulersuisui upernaakkut ataatsimiinnermi Inatsisartunut Oqaatsinik Pikkorissarfip ingerlatai pillugit ukiumoortumik nalunaaruteqartassapput.

Imm. 3. Pikkorissarfimmi pisortaq ilinniartitsinermut akisussaavoq, ulluinnarnilu Oqaatsinik Pikkorissarfip aqunneqaraera isumagisaralugu.

Imm. 4. Naalakkersuisut Oqaatsinik Pikkorissarfip aqunneqarnera pillugu sukumiinerasunik malittarisassiorsinnaapput, akisussaaffit suliassanullu tunngasut ilanngullugit.

§ 3. Naalakkersuisut siulersuisunik tallimaniit arfineq-pingasunut ilaasortalimmik pilersitsissapput inuutissarsiorfiit assigiinngitsut, aatsitassarsiornermik, takornariartitsinermik niuernermillu sammisaqartut ilanngullugit, oqaasiinik paasisimasaqartunik ilisimasaqartunillu. Kultureqarnermut, Ilinniartitaanermut llageeqarnermullu Naalakkersuisup siulersuisut siulittaasuat toqqartassavaa.

Oqaatsinik Pikkorissarfímmi ilinniartitsisut aalajangersimasumik atorfillit siulersuisunut ilaasortassamik ataatsimik toqqaassapput.

Imm. 2. Siulersuisunut ilaasortanik inatsisartunut qinersisoqarnerata kingorna nutaamik toqqaasoqartassaaq. Toqqaaqqittooqarsinnaavoq. Siulersuisunut ilaasortat sinniisussaannik toqqaasoqarsinnaavoq.

Imm. 3. Kultureqarnermut, Ilanniartitaanermut Ilageeqarnermullu Naalakkersuisoq siulersuisu-nut ataatsimeeqataasartussanik toqqaasinnaavoq, soorlu aamma siulersuisut pisariaqartitsineq naapertorlugu ataatsimeeqataasartussanik naammaquusersinnaasut.

Imm. 4. Naalakkersuisut siulersuisut inuttalersorneqarneranut maleruagassanik erseqqinneru-sunik aalajangersaasinnaapput.

§ 4. Siulersuisut namminneq inissitsitissapput, tassungalu ilanngullugu siulittaasoq tullilerlugu.

Imm. 2. Siulersuisut namminneq suleriaasissartik, Kultureqarnermut, Ilanniartitaanermut Ilageeqarnennullu Naalakkersuisumit akuerineqartussaaq, aalajangersassavaat.

§ 5. Pikkorissarfíup pisortaa siulersuisunut allattaavoq.

Kapitali 3.

Oqaatsinik Pikkorissarfíup ingerlatai.

§ 6. Oqaatsinik Pikkorissarfíup ingerlatai § 1-mi siunertat taaneqartut naapertorligit aaqqissunneqassapput.

Imm. 2. Naalakkersuisut Oqaatsinik Pikkorissarfík allanik suliassissinnaavaat.

Imm. 3. Naalakkersuisut Oqaatsinik Pikkorissarfíup ingerlataanut peqataanernullu tunngasu-nik erseqqinnerusunik maleruagassiorsinnaapput.

Kapitali 4.

Aningaasalersuineq.

§ 7. ingerlatanut ataasiakkaanut aningaasaliissutigineqartut atornissaat pillugit maleruagassat erseqqinnerusut Naalakkersuisut aalajangersarsinnaavaat, pikkorissarnersiutit il.il. pillugit malittarisassat ilanngulligit.,

§ 8. Suliniutit landskarsimit aningaasaliiffigineqartut saniatigut isertitsissutaasumik suliaqarnikkut Oqaatsinik Pikkorissarfík suliniutinik allanik aallartitsisinnaavoq.

Imm. 2. Naalakkersuisut suliniutit isertitatigut aningaasalersorneqartut pillugit erseqqinnerusunik malittarisassiorsinnaapput.

Kapitali 5.

Atortuulersitsineq

§ 9. Inatsisartut peqqussutaat atuutilerpoq januarip aallaqqaataani 1998-imi.

Namminersornerullutik Oqartussat, ulloq 6. november 1997.

Jonathan Motzfeldt

/

Konrad Steenholdt

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaquataasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviit

Naalakkersuisut